

हादोरारि मुं थिसन सानख'नाय

गोरलैयै गोनांथार राहा

माहारियारि नोगोरारि (एन आर चि)आ जादों भारतआरि नोगोरारिनि मुं रोखा खालामनानै गोजोर खालामनाय मोनसे सानख'नाय। जायफोर सुबुं एबा बिथांमोननि फोलेरनि मुडा 1951 माइथायनि माहारियारि नोगोरारि मुं थिसनफारिलायाव एबा 1971 माइथायनि 24 मार्च (हर गेजेर)नि सिगाडाव सेबखांनानै फोसावनाय भटार फारिलाइनि जायखिजाया गांसेयाव एबा 1971 माइथायनि 24 मार्च (हरगेजेर)नि सिगाआव होनाय गुबुन गुबुन गनायजाथाव नटिफोरनि जायखिजाया गांसेयाव दैखांजादों आरो जायफोर सुबुं एबा बिथांमोननि फोलेरारि सुबुडा 1971 माइथायनि 24 मार्च (हरगेजेर) एबा बिनि सिगाडावनो आसामाव थानाया फोरमान जादों, बैफोर सुबुंनि मुं थिसननानै माहारियारि नोगोरारि मुं थिसननानै सानखनाय जागोन। बेनिखायनो सानखनोगोनां बे माहारियारि नोगोरारि मुं थिसन फारिलायाव मुं थिसनननो मोनै रादायनि गोनां- (1) 1971 माइथायनि सिगांनि नटिफोराव सासे सुबुंनि मुं आरो (2) बेबादि नटियाव मुं थानाय सुबुंनि लोगोसे फोलेरारि खेंफोरथिनि फोरमान। एन आर चिआव मुं थिसननो थाखाय नोगोरारिफोरा (मोनसे नखरारि हिसाबै) आरजलाइ जमा होनांगोन। नटिलाइाव दाखिल खालामनाय आरजलाइखौ सरकारआ आन्जाद नायनानै आरो बिजारनानै बिनि फिथाइ महरै एन आर चिखौ सानखनाय जागोन।

1951 माइथायनि एन आर चि एबा 1971 माइथायनि 24 मार्च (हर गेजेर)नि सिगाडाव फोसावनाय जायखिजाया भटार बिलाइआव मुं थायाब्लाबो, 1971 माइथायनि सिगांनि समफोरनि मुंखनाय गनायजाथाव नटिफोरनि सायाव सानखनो गोनां एन आर चिआव मुं थिसननो हानाय राहा जागोन।

1) भुमिस्वत्त/रायतीस्वत्तनि फोरमान	7) सरखारआ गथायनाय सिनायथि एबा फोरमानलाइ
2) नोगोरारि मोनथायनि फोरमानफोर	8) सरखारि/समाजारि खोन्दोनिफ्राय मोननाय फोरमानलाइ
3) हालामारि थागुबेनि फोरमानलाइ	9) बेंक/डाकघरनि हिसाबनि फोरमानलाइ
4) शरनार्थी मुं लानायनि फोरमान	10) जोनोमनि फोरमानलाइ
5) पासपर्ट फोरमान	11) बर्ड/मुलुग सोलौंसालियाव फरायनायनि फोरमानलाइ
6) भारतीय जीवन बीमा निगमनि बीमा पलिचि	12) आदालतनि नटि/आदालतनि अजदगोनां बिलाइ



गोजौआव होनाय नटिफोरनि अनगायैबो गाहायाव होनायफोराबो नटि हिसाबै गनायजागोन-

- 1) जुलिनि उनाव गुबुन मोनसे गामिसिम थांनाय आइजोफोरनि थाखाय गामियारि बिबानगिरिया/गामि पन्चायतनि नेहाथारिया होनाय फोरमानलाइ फोरमानलाइ
- 2) 1971 माइथायनि 24 मार्च (हर गेजेर) सिम गेदेमा बिबानगिरिया गथायनाय रेचन कार्ड।

एन आर चि सानखनायनि सोमोन्दै मोननैसो गोनांथार फारिथि:

- आरजलाइ जमा होनाय आरो जमा होनो गोनां अक्टनि बागै आलादायै सुलुडाव आलादायै फोसावनाय जागोन।
- 1951 माइथायनि एन आर चि एबा 1971 माइथायनि सिगांनि भटारलाइपोराव मुं, बैसो बेफोरखौ गोरोन्थियै सेबखांनायब्लाबो आरजगिरिया जाहोन हिसाबै आन्जाद नायनाय समाव थि सुबुंजों सोमोन्दो दिहुन्नायनि राहा जागोन।
- 1971 माइथायनि 24 मार्च (हरगेजेर)नि सिगां जायखिजाया समाव गनायजाथाव नटिफोरा एन आर चिआव मुं थिसननायनि राहा होगोन। खालि 1966 माइथायनि भटार फारिलाइआल' गनायजाथाव जागोन होनानै ओंखारनाय रादाबा गोरोन्थि।
- 1951 माइथायनि एन आर चि आरो 1971 माइथायनि 24 मार्चनि (हरगेजेर)नि सिगांनि भटार फारिलायफोरखौ लोगोसेयै लिंगेचि डाटा बुंनाय जायो।